

Poučení avtoram

imena avtorov

kontakty na avtory, e-mail i adres avtorov

Časopis «Slovjani.info» publikuje originalne teksty pisane vsimi slovjanskymi jezycami ili Esperantom, Interlingvoj, anglijskym, němečskym, hišpanskym, francuzskym, ili italijanskym jezycami posle anonymnoj recenzije neodvisnymi expertami iz sověta redakcije. Vsaky tekst trěbuje iměti svoje abstrakt i 3-7 ključnyh slov pisane latinicoju kurzivnym stylom Noto Serif 12pt v anglijskom i međžuslovjanskome jezycak. Trěba jest 300-600 znakov abstrakta vključajuč prazdne znaky.

ključne slova: proces recenzije, stil i struktura teksta

pravila formatovanja

- Uvažajte, že časopis jest tiskany na malu velikost A5, čto jest 71% od originala, zato prosimo točno držeti vse tute pravila formatovanja.
- Vsaky tekst (latiniceju, kyrilliceju, glagoljiceju, grěčsky, jevrejsky, arabsky, persijsky ...) može byti toliko šriftom Noto, ktery jest bezplatno dostupny na tutoj stranici: <http://www.google.com/get/noto/>
- Vsaka odstava teksta jest napisana stylom Noto Serif 12pt s prostym razstojanjem jednoj linije, narovnanana na obadva boky (justified). Odstava teksta ne imaje odstup prvoj linije. Pod odstavoj teksta trěba držeti razstojanje 6pt.
- **Prosimo ne koristite mnogo debelnogo teksta, ale možete svobodno koristiti kurzivu. Takože ne koristite mnogo podčrknutogo teksta.**
- Prosimo citovati tekst toliko do «uglatyh skobok».
- Zapisky¹ sut indeksovane arabskymi čislami kako ^{1,2,3...}.
- Glavno nazvanje načinaje velikym pismenom i vse nazvanja sut centrovane. Tekst vsih nazvanj, imena avtorov, kontakt na avtory, popisvanje grafiky, internetove adresy, e-mail jest stilom Noto Sans.
- Nazvanje članka trěbuje načinati velikym pismenom v stilu **debelno Noto Sans 18pt**, i pod njim jest razstojanje 12pt.
- Pod nazvanjem jest ime avtora stilom normalno Noto Sans 14pt, i pod njim jest razstojanje 10pt.
- Pod imenom avtora jest centrovany kontakt na avtora stilom normalno Noto Sans 12pt, i pod njim jest razstojanje 10pt.

¹ Tuto jest zapiska indeksovana arabskymi čislami v stilu Noto Serif 10pt, razstojanje linij točno 12pt, pod i nad tekstem 0pt. Smysl zapisok jest pridavati podrobnu informaciju ili někaky interesny detail.

- Nazvanje odstavky teksta (napr. zaključenje, literatura...) jest stilom **debelno Noto Sans 14pt**. Nad njim jest razstojanje 18pt i pod njim jest razstojanje 6pt.
- Popisanje grafiky ili tablice jest stylom normalno Noto Sans 11pt. Nad njim jest razstojanje 6pt i pod njim jest takože razstojanje 6pt.



popisanje grafiky ili tablice

literatura

Bylo by dobro, da avtor na konec svojego teksta napiše spisok literatury (napr. koriščene knigy, članky iz časopisov ili odkazy na internet). Odkaz na literaturu pišite v uglatykh skobkah kako napr. [Molhanec, Merunka, Heršak, 2016, p. 5]. Taky spisok literatury trěbuje držeti citačny standard ISO 690, kako napriměr:

- Jan van Steenberg and Vojtěch Merunka (2018) *The Interslavic Language: An Opportunity for the Tourist Branch*, in Proceeding Book of the International Symposium on Advancements in Tourism, Recreation and Sport Sciences, Podgorica, Montenegro, pp. 164-175, ISBN 978-605-81246-3-9
- Merunka, V.; Heršak, E; Molhanec, M. (2016) *Neoslavonic Language*, in: *Grundlagedstudien aus Kybernetik und Geisteswissenschaft*, 57(2), pp. 114-134. ISSN 0723-4899

Do počatočnoj recenzije prosimo posylati anonymny tekst bez imen i adres avtorov. Blagodarimo Vas za drženje naših pravil formatovanja. Tutoj fajl Vam može služiti kako šablon vaših tekstov. Možete jęo svobodno brati iz adres:

<http://slovjani.info/documents/poucenje-avtoram.docx>

<http://slovjani.info/documents/poucenje-avtoram.pdf>

Budemo se radovati iz Vaših člankov. Redakcija časopisa.

Instructions for authors (this is a title example in English)

This is an abstract/summary example in English. This section (e.g. title, summary, and keywords) must be written at the end of each article in the style Noto Serif 12pt italic.

keywords: review process, text format